



Шочмо эл, порылык да чын верч!

Б У Д Ъ Г О Т О В /

33-шо (3733) №,
2025 ий 22 август,
кугарня



Имде лий

1933 ий 1 февраль годсек лектеш.

У тунемме идалык лишемеш!



Август. Икшыве-влакын кенез каникулышт вашке мучашлалтеш. Тидым йӱкшемдаш тӱналше игече шижтара. Ужалымаште койшо школ арвер-влакат у тунемме идалык лишеммым ушештарат. Школлан ача-ава, йоча-шамыч кыртмен ямдылалтыт. Вургемым, рюкзаком да кӱлешан моло кырча-марчам наледат. Кызыт тидым, мӱнгӱ гыч лекде, интернет гоч ышташ лишеш. Но шке ужын, кидыш кучен, висен ончен налме поснак шерге. Теве Оршанке район Тошто Крешын села гыч Инна Столярова Софья ӱдыржым (**снимкыште**) Йошкар-Оласе рӱдӱ пазарыш лӱмынак конден. Соня школышко чиен каяш эн сылне блузкым, юбкым ойырен. Чонлан келшыше альбомым, пеналым налыктен.

– Икымше сентябрьым чон вургыж вучем. Мотор формым чиен, рюкзаком ваче гоч сакен, школыш ойкыл колтымем омешат конча, – ойла Софья.

Ӱдыр тений икымше классыш кая. Сайын тунемаш, туныктышо-влакым тӱткын колышташ сӱра. Возаш тунем шумекыже, «Ямде лийын» юнкоржо лийнеже.

Ӱдыр-рвезе-влак наледыме арверыштан кугу тӱткышым ойырат. Йӱратыме киносо, йомакысе, мультфильмысе геройыштым шотыш налыт. Тачысе лаштыкнан геройжо, мутлан, единорог-влакым йӱрата. Садлан лач ты янлыкым сӱретлыман канцеляр товарым налын пуаш йӱдеш.

– Тӱналтыш класслашке коштышо-влак мультфильмысе персонаж, пырыс, пий сӱретан арверлам ойырат, кугурак ийготан-шамыч – шемалгым, шагалрак сӱретаным. Тыгак посна предметлан келыштарыме тетрадь-влак йодмашан улыт, – палдарыш пазарыште ужалыше ик ӱдырамаш.

Оля МАЙКОВА.
Авторын фотожо.

Ончыко вўдышō рвезе



25 сентябрь гыч 16 октябрь марте «Артек» тўнямбал йоча рўдериште «Вектор Успеха» ученический самоуправлений лидер-влакын всероссийский форумышт эртаралтеш. Ты мероприятийыш ушнаш манын, элна мучко ятыр йоча йодмашым колтен да конкурс отборым эртен.

Сенгыше-влак радамышке Шернур район Марисола школын тунемшыже Илья Шабалин (**снимкыште**) логалын.

– «Вектор Успеха» форумыш ушнаш авам темлен. Конкурсын ик йодмашыже почеш видеом войзаш да «Кō тыгай лидер?» йодышлан вашешташ кўлын. Мый тыге шонем: калыкым ончыко вўден кайыше ең чолга, весе-влакым поро сомыллан кумылан ден моштышо лийшаш. Тудо эре у сомыллан тунемшаш, пашаште йолташыже-влакын ойыштымат шотыш налшаш, йырже икояң ең-шамычым ушышаш, – палдара Илья.

9-ше классыш вончышо рвезе спорт ориентирований дене кылым куча. Походыш да сплавыш кошташ йōрата.

Ты сенымаш дене Илья Шабалиным меат шокшын саламлена. Ончыкыжымат у кўкшытыш шуаш тыланена.

Оля МОШКИНА.

Фотом еш архив гыч налме.

Российысе увер

14-18 ияш ўдыр-рвезе-влаклан «Краски Победы» всероссийский йоча сўрет конкурсым увертареныт. Паша-влакым 10 сентябрь марте колтыман. Тўрыс увер – tuntuk.ru сайтыште.

Руш да шочмо йылмым паледа? Тугеже «Билингва» всероссийский эссе конкурсыш ушныза. Келшыше темым ойырен, пашам konkursesse16@mail.ru адрес дене электрон почтыш 28 сентябрь марте колтыза.

Шымлымаш пашам возаш кумылан-влаклан – Менделеевский тўнямбал конкурс. Посна предмет дене темым ойырен, статьям mendelevsociety.ru сайтыш 15 сентябрь марте верандыман.

«Йошка Еш» унам сийла

16-17 августышто «Йошка Еш» регион-влак кокласе гастрономий фестиваль Медведево ипподромышто эртаралтын. Тений тушко 12 регион гыч ресторатор-влак ушненыт.

Пайремыште могай гына сийым ямдылен огытыл?! Мелна, когыльо, тўрлō шўр, салат, шере кочкыш... Фестивальыш толшо кажне уналан чылажымат тамлен ончаш йōн лийын. Йоча-влакланат пайрем моткоч келшен. Нунылан модын юарлашышт тўрлō кумдыкым ямдыленыт. Икте шер теммеш аттракционышто жапым эртарен гын, весе мастер-класслаште у пашалан тунемын, кумшо таңасымашлаште вийжым терген. Икманащ, кажне чонжылан келшыше сомылым верештын. Кугыен-шамыч район-влакын чумырымо кудыштым шымленыт. Кажне кундем тўвыраже, кочкышыжо, вургемже дене ойыртемалтеш. Тидыже шкешотан ончер гоч раш палдыренен.



Фестивальын ойыртемалтше ужашыже – тўжем шўдō латик подкогылым иканаште шолтымаш (**снимкыште**). Тыгай ончыч лийын огыл. Садлан ты пашам «Достояние нации» книгащ пуртеныт.

«Йошка Еш» фестивалыште икымше верыш Одо кундем гыч Вотинцевмыт еш лектын. Кокымшо верым Дагестан, кумшо верым Хакасий республикла гыч толшо-влак налыныт. Интернет йўклымаште Якутийысе повар-шамыч ойыртемалтыныт.

Жанна ФЕДОРОВА.

Фотом «ВКонтакте» соцкылысе «Туризм в Марий Эл» тўшка гыч налме.

Марий Элысе увер

23 августышто Йошкар-Олаште С.Г.Чавайн лўмеш Калыкле книгагудышто «Кино йўд-2025» всероссийский акций лиеш. «Волшебник Изумрудного города. Дорога из жёлтого кирпича» фэнтези фильмым яра ончыклат.

Йошкар-Ола гыч «ЗУМ» киностудий «Без срока давности: непокорённые» тўнямбал конкурсышто «Письма маме» документальный фильм дене кокымшо верым сенген налын.

Медведево район Краснооктябрьский школым тений тунем пытарыше Арина Чуракаева «Движение Первых» толкынын «МедиаПритяжение» флагман проектшын «МедиаПрофи» таңасыштыже сенгышыш лектын.



30 июль гыч 3 август марте авам дене (снимкыште) «Таврида. АРТ» фестиваль кышкарыште эртаралтше «Родные-любимые» еш арт-кварталыште лийынна. Марий Эл гыч мемнан дене пырля Жировмыт да Отмаховмыт еш миен коштыныт. А Россия мучко ончалаш гын, 47 регион гыч 300 наре участник лийын.

Крымыште лийше мероприятий мыланна моткоч келшен. Куд кече жапыште палаткыште иленна, икте-весе дене кылым ыштенна. «Пёстрое небо» юж кайыкым колтымо фестивалыш ушненна, «Витражи» ден «Мозаичный декор» мастер-класслаште түрлө түсан

янда гыч сүретым келыштараш тунемынна.

Мыланна спортсмен, актёр, блогер, туныктышо да уста моло ен дене вашлиймашым эртареныт. «Движение Первых» толкынын правленийжын председателже Артур Орлов дене вашмутланымаш пеш пайдале лийын. Кызытсе ылышын талешкыже-влак мыланна «Урок мужества» кружокым ямдыленыт, подвигышт дене палдареныт.

Тыгай чапле мероприятийыш ушнаш йөн лекмылан пұрымашлан тауштем.

*Полина ЩЕГОЛЕВА.
Марий Турек школ.
Фотом еш архив гыч налме.*

Элмарым шарнена

Мый Кожласола селаште илем. Уремем поэт, журналист Василий Элмарын лұмжым нумалеш. Шукерте огыл кумдан чапланыше землякнан 115 ияш лұмгечыже вашеш верысе калык шарнымаш онгам пижыктен (снимкыште), пайремым эртарен. Тушко меат, «Изи шұдыр» ансамблын ұдыржө-влак, ушненна, «Ялем воктечын» мурым йонгалтаренна. Ме Василий Сергеевич Козыревын (Элмарын) ылыш-корныжым пален кушкына, усталыкшым шымлена.

*Ирина АНДРЕЕВА.
Звенигово район.
Фотом еш архив гыч налме.*



Патырлыкым ончыктеныт

6-9 августышто «Авангард» сарзе-патриот рүдерыште военно-спортивный многоборье дене «Акпатыр» танасымаш эртаралтын. Тушко патырлыкым ончыкташ Юл кундем федерал округ гыч 160 наре ен погынен. Меат, Параньга школ пеленысе «Юнармей» ушемын енге-влак, миенна. Командыште индешын лийынна.

Многоборье дене «Акпатыр» танасымашке миен кошташ мыланемат пиал шыргыжалын. Йолташем-влак дене пырля командынам (снимкыште) «Воин-21» манын лұмденна. «Авангард» сарзе-патриот рүдерыште түрлө могырым шуаралтынна, вийнам тергенна. Ик кечын мемнам Йошкар-Оласе Чарла кремльыш коштыктеныт.

Делегацийнам Магруф Рауфович Галаяутдинов вуйлатен.

Ты мероприятий мыланем сарзе-патриот слётым ушештарен. Кажне кече түрлө онай тунеммашлан, модмашлан, мастер-класслан поян лийын. Тыгак куржталынна, лўйкаленна, противопогазым чийымаште пысылыкнам ончыктенна, нушкынна, медицине аланыште шинчымашнам

Тушто канатым шупшмаште, шахмат дене модмаште, түрлө кучедалмаште танасенна. Ты кече деч вара командына утыр виянгын. Ме икте-васынан кумылжым шижап, вашла умылаш тунемынна.

*Дарья ТЕРЕБИЛКИНА.
Медведево гимназий.
Жанна ФЕДОРОВАН фотожо.*

тергенна. Вашлиймаш танасымаш сынан лийын гынат, коклаштына келшымаш озаланен. Икте-васылан кертме семын полшенна.

Икмышем верым Угарман кундем гыч толшо йолташна-влак налыныт. Нуным ты сенымаш дене шокшын саламлена.

*Ландыш ГОРЯЕВА.
Параньга школ.*



Чавайн



тукым улына

Акаем

Энертышем, сай йолташем,
Улат тый, шерге акаем.
Эре полшаш вашкет мылам,
Палем, кертам мый ўшанен.

Тораште кеч ынде илет,
Садак ме кылым кучена.
Вучем, акай, эр-кас толмет,
Вара киношко каена.

Диана ТОЙБАХТИНА.
У Торъял, Тошто Торъял.

*В.М.Васильев лўмеш
Йылмым, сылнымутым да
историйым шымлыше марий
институтлан — 95 ий*

**Йодыш-влаклан
вашмутым пуыза.**

1.Институтым кунам не-
гызлыме? Икымше вуйлатышыже
кө лийын?

2.Почмо ийын мыняр пөлка па-
шам ыштен?

3.Кугу Ачамланде сар тўналме-
ке, институт дене могай ваштал-
тыш лийын? Ты төнеж омажым
уэш кунам почын?

4.Институт могай орден дене
палемдалтын?

5.В.М.Васильевын лўмжым ку-
нам пуымо?

Вячеслав СМЕРНОВ ямдылен.

Лудаш йоратем

Книгам айдеме пеш шукерте ожно
шонен муын. Ончыч кумыж але ян-
лык коваште гыч ышталтмылан көра
тудо пеш неле да кугу лийын. Тушто
тукым гыч тукумыш куснышо күле-
шан уверым араланыт.

Мый йоча годсек түрлө книгам
лудаш йоратем. Нуным иктеш
чумырен, шкешотан книгагудым
келыштаренам. Йочасадыште па-
шам ыштымем йоча литературым
погаш таратен. Изирак-влакымат
лудаш кумыландем.

Надежда ГОДУНОВА.

Почеламут йылмым лывырта

Кажне кундем шке сылны-
мут мастарже дене кугешна. У
Торъял районын кызытсе ик эн
чолга шўдыржō – ятыр книган
авторжо, поэт Нина Щербакова.
Тудо кугыен-влаклан утларак
воза гынат, йоча-шамычланат
почеламут корнылам пōлекла.
«Латкок тылзе» йоча книгаже
уло. Нина Гавриловнан почела-
мутшо-влакым изижат-кугужат
куанен лудыт. У Торъял шко-
лышто 3-шо классыш вончышо
Аделина Куклина (снимкыште)
почеламутым сылнын лудмо
кажне гаяк конкурсышто тудын
почеламутшо дене тангаса.

Ўдыр Шочмо элым аралышын
кечыжлан пōлеклалтше «Виян
улына» почеламутшым, шочмо
йылме, эл нерген «Марла ой-
лаш мый йōратем...», салтаклан
пōлеклалтше «Чапым кидыштет
кондет» сылнымут саскалажым
лудын. Ятыр гана сенгышыш
лектын.

– Марий йылме – шочмо
йылмем. Тудден коча-ковам,
ача-авам кутырат, мыят кел-
гыпрак тунемаш тыршем. Ну-



нын семын яндарын кутырен
ом мошто гынат, шонымемым
каласен кертам. Йылмем лы-
вырташ марий книгам лудам,
почеламутым наизусть туне-
мам, – оила Аделина.

*Христина АЛЕКСАНДРОВА.
Фотом еш архив гыч налме.*

Йочалан сай пōлек — книга

8-10 августышто Йошкар-
Олаште «Чарлаште – книга
пайрем» регион-влак кокласе
фестиваль икымше гана эр-
таралтын. Тушто Марий Эл,
Мордовий, Коми, Хакасий, Та-
тарстан, Башкортостан рес-
публикласе, Одо, Виче кун-
демласе да Моско олase савык-
тыш пōртла гыч участник-влак
лийыныт.



Ончерыште книгаже-е! Кугы-
енлан да йочалан келшыше, кўж-
гō да вичкыж коман, альбом гай
кугу да кўсеныш пышташ йōр-
шō изи, торашке волгалтше,
йўк-йўаным лукшо... «Марий
книга издательстве» савыктыш
пōртын темлыме книгаже кок-
лаште йоча-влак утларакше мо-
гайым ойыренит, палаш онай.
Ты йодышемлан савыктыш пōр-
тын тўн редакторжо Н.В.Ли-
хачёва тыге вашештыш:

– Кум кече жапыште ача-
ава дене пырля изи лудшо-вла-
кат толеденыт. Нуно утла-
ракше Анжела Тимоеван «Та-
нюш да мый», Ольга Кузнецован
«Дрессированная ручка», «Ма-
рий калыкын йомакше» да эн-
циклопедий сынан «Мый Марий
Элыште илем» книгалам (сним-
кыште) налын пуаш йодыңыт.

*Оля МАЙКОВА.
Авторын фотожо.*

Вучо, школ!

Шинчымаш кечын каласкалаш почеламут аршаш

Алена Яковлева

Те паледа, мом ойлынем? –
Мый шукертак кугу лийнем.
Шотлен моштем, буква палем,
Тугеже школышко каем.

«Кугу улатыс, ўдырем», –
Шыман каласыш аваем.
Ок кўл мылам тетла урем,
Мый ынде школышко каем!

Ваштар лышташ, чевер тул гае
лийын,
Мемнан окнашке угыч тўкалта.
Почеш сентябрь у тунемме ийым
Да илыш-корныш ужатен колта.

А ончылно кумда тунемме корно,
У сенгымаш, куан – чыла лиеш.

Лудаш, возаш, палаш
осал ден порым –
Чыла лач тиде кечын тўнгалеш.

Икымше йынгыр, икымше класс!
Тиде пайремым вученна эр-кас.
Сылне вургемым, тетрадьым,
книгам
Налын шукертак мыламже авам.

Сугыным пуыш ачам тунемаш,
Ушым погаш, сай айдеме лияш.
Икымше йынгыр, икымше класс!
Тиде пайремым вученна эр-кас.

Кузе шотлаш, кузе возаш,
Кузе ушан, виян лияш?
Вашке чыла пален налам.
Садланак школыш толынам.

Шинчымаш тўняшке
ошкылашлан жап,
Шыргыжалыт порын
туныктышо-влак.
Школ омсажым почо,
йынгыр йонгалтеш,
Шинчымаш тўняшке
корно волгалтеш.

Идым тылзе, шыже толын.
Шыже ден пырля пайрем
Койына ме пеш моторын,
Куаналын шер ок тем.

Ынде мыланем огеш кўл модыш.
Шўжаремлан лучо пўлеклем.
Кушто? Мо? Кунам? –
пеш шуко йодыш,
Тунемам, вара чыла палем.

Ольга Эльтемерова

Эрдене эр изи йоча
Школыш толын тўкалта:
– Комдык почса омсадам,
Тунемаш мый толынам!

Таче школышко каем.
Сай салам, пўртўс, урем.
Шуко уло вет буква,
Шочо первый мут – «Ава».

Ямде мыйын чылажат:
У тетрадь да ручкажат.

Уло чапле формемат,
Неле огыл сумкамат.

Пыштена сумкаш книгам,
У тетрадьым да ручкам.
Она улыс падыраш,
Каена ме тунемаш.

Таче школыш каена,
Визытаным налына.
Тек мемнан нерген ойлат:
«Первый класс –
чылан палат!»

Светлана Алексеева

Чылажат икымше

Школыш икымше гана
Почылтеш мылам омса.
Онгыр икымше йонга,
Йўкшў шўлык деч посна.

Шыргыж, шокшын вашлиеш,
Чыланнам уша иктеш,
Мутшо чонышко иеш,
Тидыже – туныктышем!

Класс кумда, доска, парт-влак,
У букварь – ончен ўрат!
Пеш сайын умылтарат –
Тунемде кузе кертаг?!
Тунемде кузе кертаг?!

Людмила Семёнова

Кидыштем мотор аршаш,
Сумкаштем у карандаш,
Ынде тунемаш каем,
Вучо школ гыч, курчакем.

Авам налын шем катам,
Сур костюмым да сумкам,
Куанен шерем ок тем,
Школыш нангая корнем.

Нина Щербакова

Мые школышко каем
Куаналын, тўршталтен.
Визытанлан тунемаш
Тўналам мый чот тыршаш.

Ош тасмам авам пуэн,
Ўпым тыманмеш пунем.
Таче йынгыр — мыланна,
Школышто пайрем лўшка.

Анна Алкече

Сентябрь тылзе толын.
Жап тунемаш каяш.
Изи ньога мый омыл.
Буквам палаш кўлеш.

Буквам вел огыл, тўрлым:
Лудаш, возаш, ушаш...
Да чын Айдеме лўмым
Кўлеш сулен налаш.



Кенжеж – сылне пагыт. Йо-ча-влак тазалыкыштым пенгы-демдат, модыт, юарлат, түрлө семын жапыштым эртарат. А уремыште могай гына транспорт уке?! Велосипед, самокат, питбайк (**пурла снимкыште**), электросамокат, мопед да молат. Ёдыр-рвезе-влакын мототранспорт дене кудалыштымшытмат ужаш лиеш. Ты шотышто корнышто могай сүрет? Ёдыр-рвезе-шамыч корно правилым эскерат, ача-авашт шекланат мо? Тидын нерген Россий УМВД Кугыжаныш автоинспекцийын Йошкар-Оласе пълкажым вуйлатыше Д.Г.Пронюшкин (**шола снимкыште**) дене мутланышна:

– Икымше пелийыште 16 ияш марте йоча-влакын мототранспорт дене корно туткарыш логалмышт кундемыштына 20 наре процентлан ешаралтын. 16-17 ияш-влак коклаште лу пачаш шукемын. Шукыж годым тыгай азапыш мототехникым виктарыше-влак логалыт. Июльышто мопедист да питбайкер-шамыч дене кылдалтше корно происшествий ятыр лийын.

– Дмитрий Геннадьевич, корнышто йоча-влак дене кылдалтше могай пудырты-маш-шамыч улыт?

– Ёдыр-рвезе-влак мототранспорт дене талын кудалыштыт, писылыкым огыт эскере. Сайын виктарен огыт мошто, садлан миен керылтыт. Южыштын правашт уке, шлемым огыт упшал. Корно правилым начар палат гынат, кугорныш лектыт. Тыгай транспорт утыжым шерге огыл, садлан ача-ава-шамыч налын пуат. Тидын годым «модыш» гыч лодыш



Мототранспорт МОДЫШ ОГЫЛ!

лийын кертме нерген огытат шоналте.

– Могай амаллан көра тыгай туткарын чотшо кушкеш? Мототранспорт дене кудалыштыше-шамыч шукемын?

– Мутат уке, шукемын. Автоинспектор-шамыч йоча-влакын кудалыштымшым, корно правилым палымыштым эре эскерат. Мутлан, идалык тўналтыш гыч мототранспортым виктарыше 200 йочам кученыт. Нунын кокла гыч пелыжым, ийготым шотыш налын, административный муткучыш вучен. Шукыж годым корнышто 13-17 ияш-влак логалыт.

– «Питбайк мопед огыл, садлан права деч посна кудалышташ лиеш», – маныт самырык-влак да ача-авашт. Чын мо?

– Мопед – кок але кум ораван, бензин двигателян транспорт. Тудын писылыкше шагатыште 50 километрыш шуэш. Мопедлан скутер, квадроцикл келшен толыт. Питбайк – мотор дене пашам ыштыше, кызытсе жаплан келыштарыме йолорва. Административный законодательстве почеш автототехнике еным, түрлө нелытым шупшыктышо транспорт маналтеш. Тудын дене тўшкан пайдаланыме корнышто кудалышташ лиеш, а питбайк дене ок лий. Паспортыштыжо тиде спортивный манын палемдыме. Садлан тудын дене, тыгак вес спортивный

тарь-влак, кросс мотоцикл, ПТС деч посна эндуро дене автомашина корнышто кудалышташ чарыме.

– Мопедым, квадроциклым, питбайкым виктарыше йоча-влакым кучат гын, нуным мо вуча?

– Административный муткучыш. Ийготыш шуын огытыл гын, МВД-н ийготыш шудымо-влакын пашашт шотышто подразделенийышке учетыш шогалтат. Ача-ава-влакымат статья почеш муткучыш вуча. Садлан мототранспортым йочалан налме деч ончыч шуко гана шоналтыман. Корно правилым чўчкыдынак ушештарыман, умылтарыман.

– Дмитрий Геннадьевич, вашмутым пумыланда кугу тау!

– Шкендам, икшывыдам аралыза. Корнышто лўдыкшыдымылык правилым изижат-кугужат эскерыза.

Жанна ФЕДОРОВА мутланен.
Фото-влакым «ВКонтакте»
соцкылысе «УГИБДД МВД
по Республике Марий Эл»
тўшка гыч налме.

• Палаш онай. •

«Эндуро» термин XX курымын кокымшо пелыштыже шочын. Тиде лакылан корнышто кудалышташ келшыше мотоцикл. Тыгай байк кугу нелылыкым чыта, корнышто улшо чаракым – кў, пырня ўмбач – кудал эрта.



Поро вашлиймаш

Шукерте огыл ме, Чакмарий школын тунемшыже-влак, ОПК предметым туныктышо Галина Алексеевна да класс вуйлатышына Людмила Яковлевна дене пырля (снимкыште) Йошкар-Олашке самырык-влакын ырес дене коштомашкышт миенна. Православий шұлышан самырык-шамычын кечыштым палемдаш да священномученик Сергей Стрельниковым шарнал-

таш манын, республикнан түрлө районжо гыч ұдыр-рвезе-влак ушненит. Мыланна рұдолаште экскурсийым эртаренит, түрлө мастер-классым ямдыленит. Ты мероприятий моткоч келшен. Ме тудым кужу жап шарнен илаш тўналына.

Татьяна БЫЧКОВА,
Милана ТРОПИШКИНА.
Звенигово район.
Фотом школ архив гыч налме.

22 август – Россий тистын кечыже.

Кум түсан

Ошо – тыныслык, ласкалык,
Канде – волгыдо ұшанлык,
Йошкарге – патырлык,
чолгалык.
Кум түсан Россий поянлык.

Ярослава СЕМЁНОВА.
Морко, Арын.
Авторын сўретше.



Ушан ой

Айдеме чылааланат тунем кертеш.
Никандр ЛЕКАЙН.




Историйым
шергалына

1943 ий
23 августышто
Курск кредалмаш
мучашлалтын. Со-
вет войска фашист тўшкам
чактарен.

1944 ий 24 августышто Ки-
шинёв олам фашист-влак деч
утарыме.

Кенжежымсе йўыш



Блендер гоч түрлө кочкышым луген тыгыдемдыме нугыдо йўышым смузи манит. Тудым пакчасаска, ужар шудо, смышсаска гыч ыштат, шёр-торыкым, сокым сшарат. Тенданат ямдылаш кумылда уло гын, теве мом шотыш налман:

- саскам сайын тыгыдемдыза;
- падыраш кодшаш огыл;
- вўдым але сокым вигак ида оптал, шекланен ешарыза. Смузи нугыдырак лийшаш;
- ямдылымеке, вигак йўза. Тыге витамин-влакын пайдашт ок йом;
- свежа саска, смыш олмеш кылмыктымымат кучылташ лиш.

Сўрет почеш смузи ямдыледа гын, пеш тутло лиш.



0+

Марий Эл
Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор олмеш –
О.В.МАЙКОВА

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыш урем, 20-шо порт.
Тел. 8(8362) 45-22-82.

Газетым редакцийште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пуймо жап –
14-00, фактически – 13-00.

Авторын да редакцийын
шонымашышт түрлө лийын кертит.
Серыш-влак мўнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

У конкурс




Эн мотор пеледыш

Авам пеледыш аршашым пөлеклымым ок йöрате. Пүчкын налме кушкыл писын кошка. Лишыл енем кудалташ чамана. Ачам тидым раш пала, садлан пөлек шотеш пакчаш шындаш йөршö розам ойыра.


Пакчаштына кум түрлö роза кушкеш: ошо, ал да нарынче түсан. Пытартышы-же кагазыште возымо семын йошкарге лийшаш ыле. Молан тыгай кушкын, ала?

Авам мландым уянда, шукш-копшанге дең эмым шыжыкта. Мый вудым шавем. Тыге пеледышым пырля ончена. А нуно моторлыкышт дене мемнам кенеж мучко куандарат.

Елизавета ВАРФОЛОМЕЕВА.
Звенигово лицей.
Фотом еш архив гыч налме.

Кочкыш-влакын
ужашыштым муза.

Шотлыза.

Янлык-шамыклан келшыше кочкыш марте
миен шуаш полшыза.

Сүрөтүм чиялтыза.

